

JUT

Jut Riita Keyir Jey Maji

¹Ada eeta Jut, Jisas Kraist riiti yon otii tawa ma, Jems riiti kimwoy. Ada diita jeyen ha tawey, God riita hisiir ma mima kwona hato. Apoko God riita kwona rukusii tawak, kwo Jisas Kraist riiti kuruk tawak, riita hehareto. ²God riiti rukusii tawa boboy hehar tawa boboy eshar wok woy tawa boboyen sa kwotak takiikiisiichi ta.

WOSHEPII MAJI POKII TAWA MA

³Eji apoma, ada kwona hehar noti nona yesokwa yicha tawa boboyen keyichi har, ada eeche hikir kapo adakwona keyik kwo na noti hiki siitiichichawa boboyen na anabeyichi siitii maji sawo ta. Diita oboyen God riita riiti ma mima yenya har. ⁴Kapasek ma kaw ye veenyichi notok yar. Yarek, ye God riita rukusii tawa majin ameda dariiboyechi woshepii batar. Eecha otii tawak, ye noti harapa Siitii Kowu Tawa Ma, Jisas Kraist, noti Harapa, riina wosowoyechi yechi kapasek nobon nagwa nagwa noboga taken otii hechar. Mashi hey nedii God riiti maji eeche wor: eeta yikadey ma ye anasak tawa nedii eeka kapasek siikiita.

⁵Kwo diita maji mashi meejirek, wowak ada kwona kwoti inyakan kawka tagwachikiita. Mashi God riita Isrel ma mima yenya Isip nosapek tarin yeechi ye i ichawa nobo kepin mukuchir. Kommas rii ma mima ye riina hiki siitiichinyan siiri, yenya pi sowakwo hamar. ⁶Mashi ejel kaw ye eechaba yechi yo kepiak takasakech. Ye yechi akaman heechi irek, God riita yenya ain pokok jichi niyiki yichawa eemek heechir. Heechirek, God riiti harapa anasak tawa nedii kowu takiita. ⁷Kwo Sodom, Gomora akaman opoche abosuchetanakech. Yecha akama bana bana tawa ma yechaka ejel yecha otiirebaga eechaba otiir. Eecha otiirek, ye nobo anamesheroko tarek, ma mima ye awasen awasen kapasek wey otii tarek, ye hi uwu tawa eemek tawak vi suwu harapa kapa meejito. Yecha eeche tawey, ii eeta ow rabochichu.

⁸Diita yikadey ma ye eechaba tawak, ye sukwiya tawak, eeche otii tawey, ye mayama yechi maban kapasek boboy otiito. Ii ye God riiti

hapaga boboyen wosowoyetu. Howuk tawa boboy kepin ye wokwoya nasowoyeto. ⁹Mashi mapo tar ejel Maikel rii Gaba riitaka maji owuk anapirek, Moses riiti maban eena bar: Namapa yeechi ye ikiita? Worek, Maikel rii eena nasowoyechi Gaba riina wosoboyekasakech. Worek, rii eeche hikichi wor: “Harapa Ma riita keena miina ow otii maji bakiita.”

¹⁰Wowak, diita ma ye boboyen maji kapasek ba tawey, siiti mun ye hekasakech. Eyey yechi otii tawa abon ye hechawey, kwashika tawa asa otii tawaga hehar hikichi otiikasakech. Eecha otii tawa abo siita mayama yenya otiiiniga kapasek wey siito. ¹¹Yecha sa opoy sii ta. Ye Ken riita ir nobobak sumowu tar. Ye ya maniban hiki tar. Eecha otii tarek, ye woshepii tawa nobok ir. Belam otii tawa aboga eeche otii tar. Yecha God riina wosowoyerek, mashi Kora riita otiirebaga ye eechaba otiir. Worek, eeche otiirek, eeta yikadey boboyen yecha eeta sii siiken siir.

¹²Kwota eechaba eechaba yopowuchichi yichawak, aboboyen yaka kumwoy yechaka eeche atawey, eeta ma ye kapasek wey otii tawak, ye yopo wuchi yichawa nediik keha tawa boboyeka eeche tawa. Ii yechaba mayama hehareto. Eecha otii tawey, neerek wayi vaken otii tawak, sowak yeechi ye ichawaga eeche ye ichu. ye siik wanan biish tawa mega eeche tawa. Ii eeta me reekasii tawak, hon tawaga eeche tawa. ¹³Yecha eeche otii tawey, somakwotii tawa pa uku boro sokwa tawak, eeta uku sogweya chicha waga eeche tawa. Ye eeche tawa winyumay neerek i ye ya tawaga eeche tawa. God riita sayarechir eem harapa niyiki mayaka yichawa eemek yecha eeke ikiita.

KOMAS YEPA KAPASEK KAPA MEEJI TAWA BOBOYEN YAKIITA

¹⁴Inok rii 7 ma Adam yechi magiirek sokwar. Rii piirapet tarek, rii yenya eeche bar: “Na he! Eeta Harapa rii riiti nokwapa nokwapa tawsen ejel yechaka eeche yakiita. ¹⁵Rii eyey man anasaken eenapa yakiita. Eeta ma ye kapasek otii tawa boboy eeche otii tawey, ye God riiti nobo ikasakech. Ye yo kapaseken otii tawak, God riina maji kapaseken batawak, kapasek wey siito. Eena God riita yenya kapasek wey otiikiita.” ¹⁶Eeta ma ye maji magiir yepan batawa ma. Ye eeta kapasek majin yesokwachi batawa ma. Ye eeta yechi mabak otiiken gegiya tawa boboyen eena sumowutu. Ye eeta harapa uwa biisiiba tawa ma. Ye eeta woshepii maji pokiitawa ma. Boboy yaken eena otiito.

KWOTA NA HIKI SIITIICHICHAWA BOBOYEN KIIKIIRIINA NEEKI TA

¹⁷Eeji apoma kwo na hiki ta. Harapa Jisas Kraist riiti aposel yecha kwona sawor majiban na hiki ta. ¹⁸Ye kwona eeche wor: “Komas hamak tawa nedii yanak, ma kaw ye yaniga ye wosoboy hegachi yechi mabak tawa noboban ye eena sumowukiita.” ¹⁹Diita ma ye yopo wuchi yichawa boboyen eena nediik riikiirakii tawa ma. Ye Spirit nobon sumowukasakech. Yechi maba siita yenya siitii kowutu.

²⁰Eeji apoma siiken kwo na hiki siitiichichawa kepi nobok kwona mayama eeka hapaga eeche otii ta. Kwota na eechaba eechaba Holi Spirit hapaga boboyen maji wohecha. ²¹God riita rukusii tawa boboyen na kiiriina neeki ta. Harapa Jisas Kraist rii kwona rukusii tawak, kwota na riina kowu tanak, riipa ya kwona eechaba eechaba tawa boboyen hakiita. ²²Kwo na upurus hikichi abosuchi tawa man na rukusiichi kiyapo ta. ²³Yecha hiki taweyn, kwota na hik tatii ya. Na akii tanak, akar ma yenza hehar rukusii ta. Yecha kapasek wogishichichar hiki tawa boboy eeche otii tarek, yechi riki wagishicar. Eena na opoy sii hehar ta.

GOD RIINA WOSHIA TAWA MAJI

²⁴God riiti hin na yesokwa ta. God riita keena kikisii tawak, miina neekiney, mii sakachi kapasek otiikasakech. Rii kikisowa riipa miina yeechi ye i miina otiinga miipa kepiwey siikiita. Boy kapasek boboy sii miitak yakasakech. Mii riiti hadabas boboyek siinak, mii kwoya hikitakiita. ²⁵Riitaba nona yesokwa yichi tawa God. Eeta God rii nona Harapa Jisas Kraist riiti nobok yeechi yesokwa yichir. Nota na riiti hin yesokwa ta. Hadabas boboy sii sa riitaka eeche ta. Rii sa aka tabo yima ta. Harapa hapaga tawa boboy sii sa riitaka eeche ta. Eyey boboyen siitii kowu tawa boboy sii sa riitaka eeche ta. Mashi, na apa, na komas sa eechaba ta. God riiti hin na yesokwa ta. Eeta omutiik.